



Republika e Kosovës
Republika Kosova - Republic of Kosovo
Kuvendi - Skupština - Assembly

Legjislatura V

Sesioni pranveror

Komisioni për Arsim, Shkencë, Teknologji, Kulturë, Rini dhe Sport

Mbledhja nr.46

Prishtinë, më 29.3.2016, në orën 11:00

Ndërtesa e Kuvendit, salla N-302

PROCESVERBAL

**I MBLEDHJES SË KOMISIONIT PËR ARSIM, SHKENCË, TEKNOLOGJI,
KULTURË, RINI DHE SPORT**

Në mbledhje morën pjesë: Nait Hasani, kryetar, Salih Morina, Sergjan Popoviq, Shpejtim Bulliqi, Bekim Haxhiu dhe Mufera Shinik.

Munguan: Ismajl Kurteshi, Teuta Haxhiu dhe Shukrije Bytyçi.

Pjesëmarrës të ftuar: Zenun Halili e Hysen Bytyçi, përfaqësues nga MASHT-i.

Pjesëmarrës të tjerë: përfaqësues të KDI-së, KYC-së, OSBE-së dhe mediat.

Stafi mbështetës i Komisionit: Lule Ymeri dhe Shaip Goxhuli.

Mbledhjen e kryesoi, Nait Hasani, kryetar i Komisionit.

Për këtë mbledhje u propozua ky

rend i ditës:

1. Miratimi i rendit të ditës;
2. Miratimi i procesverbalit të mbledhjes së mbajtur më 22.3.2016;
3. Shqyrtimi i Projektligjit për Profesionet e Rregulluara në Republikën e Kosovës;
4. Të ndryshme.

Kryetari konstatoi se janë plotësuar kushtet për fillimin e punës së Komisionit dhe e hapi mbledhjen sipas rendit të ditës.

1. Miratimi i rendit të ditës;

Rendi i ditës u miratua pa vërejtje.

2. Miratimi i procesverbalit të mbledhjes së mbajtur më 22.3.2016;

Procesverbali nga mbledhja e mbajtur më 22.3.2016, u miratua pa vërejtje.

3. Shqyrtimi i Projektligjit për Profesionet e Rregulluara në Republikën e Kosovës;

Nait Hasani, kryetar, tha se Komisioni ka mbajtur disa mbledhje, me ç'rast është shqyrtuar Projektligji për Profesionet e Rregulluara. Ky Projektligj synon të rregullojë fushën e profesioneve të rregulluara në Republikën e Kosovës, duke ndikuar kështu në profesionalizëm dhe në cilësi. Anëtarët e Komisionit në vazhdim shqyrtuan nen pas neni Projektligjin dhe propozuan amendamentet si vijon:

Amendamenti 1

Neni 1 riformulohet si vijon:

1. Qëllimi i këtij Ligji është përcaktimi i kushteve dhe kriterëve për ushtrimin e profesionit të rregulluar, që ka të bëjë me mbrojtjen e interesit publik.

2. Ky Ligj është në përputhje me Direktivën 2005/36/Ec e Parlamentit Evropian dhe të Këshillit Evropian, të datës 7 shtator 2005, mbi njohjen e kualifikimeve profesionale (teksti me relevancë të EEA); dhe Direktivën 2013/55/eu e Parlamentit Evropian dhe Këshillit Evropian, të datës 20 nëntor 2013, që ndryshon Direktivën 2005/36 / EC, mbi njohjen e kualifikimeve profesionale dhe Rregulloren (BE) Nr.1024/2012, për bashkëpunim administrativ përmes Sistemit Informativ të Tregut të Brendshëm ("Rregullorja IMI"), për njohjen e kualifikimeve profesionale si dhe në trajnimin specifik që kërkohet për disa profesione të rregulluara në sektorët e shëndetësisë dhe arkitekturës.

Amendamenti 2

Neni 2 paragrafi 2, riformulohet si vijon:

2. Ky Ligj zbatohet për çdo person, i cili kërkon të ushtrojë një profesion të rregulluar në Republikën e Kosovës.

Neni 2 nënparagrafi 3.1., riformulohet si më poshtë:

3.1. Për veprimtaritë e ushtruara në profesionin e rregulluar, që lidhen me kryerjen e funksioneve në autoritetet gjyqësore.

Amendamenti 3

Neni 3 riformulohet si vijon :

1. Shprehjet e përdorura në këtë Ligj kanë këtë kuptim:

- 1.1. **Profesion i rregulluar** – është veprimtari profesionale, e drejta e ushtrimit të tij kërkon nivel të caktuar aftësi dhe edukimi që rregullohet me ligj.
- 1.2. **Kualifikim profesional** – kualifikimi i certifikuar i arritjes së njohurive dhe aftësive brenda një fushe studimi, që rezulton me diplomë apo certifikatë.
- 1.3. **Dokument zyrtar** - nënkupton diplomën, certifikatën ose dëftesën e lëshuar nga autoriteti kompetent, në përputhje me rregullat dhe procedurat e parashikuara nga legjislacioni në fuqi, që dëshmon përfundimin e suksesshëm të kualifikimit profesional, të zhvilluar brenda apo jashtë territorit të Republikës së Kosovës.
- 1.4. **AKSV – Agjencia e Kosovës për Standarde dhe Vlerësim** - agjenci e themeluar nga Qeveria, për organizimin e provimit shtetëror dhe publikimin e rezultateve për listën e profesioneve të rregulluara me këtë Ligj.
- 1.5. **KSHPRR - Këshilli Shtetëror për Profesione të Rregulluara** - organ vendimmarrës i themeluar nga Ministria, i cili është përgjegjës për përcaktimin e standardeve për profesionet e rregulluara.
- 1.6. **Përvoja profesionale** - ushtrimi ligjor i një profesioni, për një periudhë të caktuar kohore.
- 1.7. **Praktika profesionale** - ushtrimi i një profesioni të rregulluar për një periudhë të caktuar kohore nga ana e praktikantit, nën udhëheqjen dhe përgjegjësinë e një profesionisti të kualifikuar, i cili mund të shoqërohet me trajnime shtesë, sipas mënyrës së përcaktuar nga autoriteti kompetent.
- 1.8. **Provimi shtetëror** - vlerëson njohuritë dhe aftësitë e kandidatit për ushtrimin e profesionit të rregulluar sipas legjislacionit në fuqi.
- 1.9. **Kandidati** - personi i cili i nënshtrohet provimit shtetëror për ushtrimin e profesionit të rregulluar.
- 1.10. **Licenca** – dokument zyrtarë, i lëshuar nga organi kompetent, që i mundëson kandidatit ushtrimin e profesionit të rregulluar.
- 1.11. **Organi kompetent për zhvillimin e standardeve të profesionit** - (ministria e

fushës përkatëse, agjencitë, odat profesionale, shoqatat, këshillat), organi përgjegjës për zhvillimin dhe përditësimin e standardeve të një profesioni të caktuar të rregulluar dhe ia paraqet ato për miratim Këshillit Shtetëror për Profesionet e Rregulluara.

1.12. **Autoriteti Kompetent për Licencim** - ministria e fushës përkatëse, apo, me delegim institucioni profesional, Këshilli Qeverisës, i cili është përgjegjës për dhënie të licencave dhe provimit shtetëror të fushës përkatëse, në bazë të kualifikimeve paraprahe të përcaktuara me ligj.

1.13. **ENIC-NARIC Kosova** - Qendra Kombëtare për Njohje dhe Informim Akademik e Kosovës, ndihmon në promovimin e gatishmërisë së studentëve, mësimdhënësve dhe hulumtuesve, përmes ofrimit të këshillave dhe informatave të mirinformuara, për njohjen akademike të diplomave dhe studimeve që janë fituar, në pajtim me standardet evropiane.

1.14. **Organi profesional** - institucion që organizon dhe përfaqëson profesionistët e një fushe të caktuar profesionale.

1.15. **Ministria** - Ministria përkatëse.

Amendamenti 4

Neni 5 riformulohet si vijon :

1. Të drejtën e ushtrimit të profesionit të rregulluar e ka çdo person, i cili plotëson kriteret e përcaktuara me këtë ligj ose me ligje të tjera, të veçanta.

2. Profesionit i rregulluar ushtrohet nga personi fizik ose juridik, me cilësinë e të punësuarit ose të vetëpunësuarit, sipas kërkesave të përcaktuara nga organi kompetent përkatës.

3. Ushtrimi i profesionit të rregulluar bëhet në përputhje me parimet e mëposhtme:

3.1. liria e konkurrencës së profesionistëve;

3.2. autonomia dhe pavarësia e gjykimit intelektual dhe profesional;

3.3. korrektësia dhe cilësia e shërbimeve për mbrojtjen e përfituesit të shërbimit dhe të interesave publike, duke garantuar ushtrimin korrekt dhe ligjor të profesionit, pavarësisht mënyrës apo formës së ushtrimit të tij;

3.4. liria e zgjedhjes nga përfituesi i shërbimit.

Amendamenti 5

Neni 6 riformulohet si vijon :

Aftësimi dhe kualifikimi për ushtrimin e profesionit të rregulluar

Personi, që kërkon të ushtrojë profesion të rregulluar, duhet të ketë përfunduar programin përkatës të akredituar të studimit apo kualifikimet profesionale për atë profesion, të cilat vërtetohen me dokumente zyrtare, të lëshuara brenda ose jashtë vendit dhe të njohura në Republikën e Kosovës, në përputhje me legjislacionin në fuqi.

Amendamenti 6

Neni 7 riformulohet si vijon :

Kriteret për ushtrimin e profesionit të rregulluar

1. Për të fituar të drejtën e ushtrimit të profesionit të rregulluar, çdo person duhet të:
 - 1.1. Përfundojë studimet përkatëse apo kualifikimet profesionale;
 - 1.2. Përfundoj praktikën profesionale;
 - 1.3. Kryej provimin shtetëror;
 - 1.4. Regjistrohet në organin profesional përkatës.
2. Kriteret e parapara në paragrafin 1 të këtij neni, përcaktohen me akt nënligjor të nxjerra nga MASHT-i.

Nait Hasani, kryetar, tha se Komisioni do të vazhdojë me shqyrtimin dhe amendamentimin e Projektligjit në mbledhjen e radhës.

4. Të ndryshme.

Komisionit propozoi që gjatë ditëve në vijim të mbahen dëgjime publike lidhur me Projektligjin për të Drejtat e Autorit dhe të Drejtat e Përafërta dhe Projektligjin për Sponsorizime dhe Donacione në fushën e kulturës, rinisë dhe sportit.

Mbledhja përfundoi në orën 12:40

E përgatiti: ***Njësia për Mbështetjen e Komisionit.***

Kryetari i Komisionit,

Nait Hasani